

U FABRICI CEMENTA LUKAVAC ODRŽAN DAN OTVORENIH VRATA

Dobrobit za Lukavčane, u ekološki čistom okruženju

Ova izuzetno zanimljiva i nadasve korisna manifestacija, pokazala je kako jedna kompanija može egzistirati u harmoniji sa lokalnom sredinom i njenim stanovništvom

Tradicionalno, i ove godine, Fabrika cementa Lukavac je proteklog vikenda širom otvorila kapije za svoje Lukavčane, građane Tuzlanskog kantona, a posebno za najmlađe i omladinu. Ovogodišnju manifestaciju „Dan otvorenih vrata“, lukavački cementaši su organizovali posebno ponosni, jer su sugrađane i goste, njih preko 1.500, mogli upoznati sa preporodom koji je kompanija doživjela instaliranjem nove, najmodernije proizvodne linije vrijedne 80 miliona KM.

Brojni gosti su tada prvi put saznali da je FCL danas najveća fabrika cementa u BiH, a da je sa stanovišta očuvanja životne okoline jedna od tri ekološki najučinkovitije cementare u Evropi!

Prisutne goste pozdravio je Izet Imamović, generalni direktor FCL, ističući



Dolazak gostiju na Dan otvorenih vrata



Masovno učesće omladine

poslovnu filozofiju austrijske grupacije Asamer, koja je vlasnik lukavačka fabrike: "Poslovanje i dobrobit za lokalnu zajednicu u ekološki zdravom okruženju". I zaista, u svim kontaktima građana i omladine osjećao se duh zajedništva između radnika i rukovodilaca

cementare i njihovih sugrađana. Posjetioci su naročito interesovali detalji ulaganja, koja su nekada gotovo otpisanu fabriku, koja je drastično zagađivala nebo i pluća Lukavčana, za nepunu deceniju, pretvorili u ekološku oazu. Ova tvornica je danas tako ekološki

pouzdana i čista, da se može smjestiti u centar bilo kojeg evropskog grada. Zbog toga je FCL odnedavno i dobila nadimak "Zelena fabrika cementa".

Lukavčani i gosti naročito zanimanje pokazali su za najsavremenija tehnološka rješenja koja su sa novom proizvodnom linijom stigla u BiH. Izuzetno uzbudljiva bila je posjeta centralnoj komandi, koja je "mozak" fabrike i iz koje se potpuno kompjuterizirano upravlja cjelokupnim procesom proizvodnje cementa. Priredena je i video-prezentacija, kratka istorija fabrike cementa, od njene izgradnje prije 35 godina do danas.

U krugu fabrike, koji je nekada bio pokriven



Najmlađi u centralnoj komandi iz koje se upravlja proizvodnjom

prašinom i sivilom, danas se zelene prostrani travnjaci i sportski tereni. Upravo

na tim terenima, u okviru manifestacije "Dan otvorenih vrata", održani su turniri u fudbalu i odbojki pod nazivom "FCL Eko-kup 2010". Učesnici su bili polaznici Škole fudbala "10", zatim članovi odbojkaškog kluba „7 Lukavac“, ŽOK "Lukavac" i ŽOK "Smeč". Oko 140-tero djece su pored natjecateljskog dijela mogli uživati i u ostalim zabavnim sadržajima, a najuspješnijim učesnicima uručene su i nagrade.

Naravno, kao što je to i uobičajno, cjelodnevno druženje bilo je začinjeno prigodnom roštiljadom i raznovrsnim zabavnim sadržajima.

I ova izuzetno zanimljiva i nadasve korisna manifestacija, pokazala je kako jedna kompanija može egzistirati u harmoniji sa lokalnom sredinom i njenim stanovništvom. A FCL je nebrojeno puta do sada pokazala da je društveno odgovorna i socijalno senzibilizirana kompanija.



Omladinke u žaru odbojkaške utakmice



Osvježenje uz roštilj